

Aralin sa Filipino

© 2012 Pia Noche, www.samutsamot.wordpress.com

Talâ: salitang-ugat - *root word*, pantig - *syllable*, gitling - *hyphen*, patinig - *vowel*, katinig - *consonant*, panlapi - *affix*, hulapi - *suffix*

Pagbubuo ng mga Salita: Pag-uulit/Inuulit

Isang paraan sa pagbubuo ng salita ay ang **pag-uulit** na kung saan ang buong salita o isa o higit pang pantig nito ay inuulit. Nasa unahan ng salita ang inuulit na pantig o mga pantig.

A. Ganap na pag-uulit

Kapag ang kabuuan ng salita ang inuulit, ito ay tinuturing **ganap na pag-uulit**. Mga halimbawa ng mga salitang inuulit kung saan ganap ang pag-uulit ay ang *araw-araw*, *kabit-kabit*, *iba-iba*, *mali-mali*, at *salit-salit*.

May mga salita na nagtatapos sa katinig *o* (tulad ng *sino*) at kung ang mga ito ay ganap na uulitin, ang titik *o* ay pinapalitan ng titik *u* sa unang bahagi ng salitang inuulit. Ang huling bahagi ay nananatiling *o* ang katapusan (*sinu-sino*). Mga halimbawa nito ay ang mga salitang *anu-ano*, *libu-libo*, at *salu-salo*. Gayundin ang ginagawa sa ibang salitang may titik *o* sa huling pantig. Halimbawa, ang salitang *putol* kung uulitin ay magiging *putul-putol*.

Tandaan na hindi lahat ng salita na nagtatapos o may titik *o* sa huling pantig ay pinapalitan ng titik *u* kapag ito ay inuulit. Halimbawa ng mga ganitong salita ay ang *tayo-tayo* at *todo-todo*.

May mga ibang halimbawa na sa ganap na pag-uulit ay kinakabitan ng panlapi, tulad ng salitang *bilis-bilisan* (na may hulapi na *-an*) at *handang-handa* (na may hulapi na *-ng*).

May mga salita na mukhang inuulit ngunit hindi tinuturing mga salitang inuulit sapagkat walang punong salita o salitang-ugat ang mga ito. Halimbawa, ang salitang *pakpak* ay hindi binubuo ng pag-uulit ng salitang-ugat na *pak*. Gayundin ang mga salitang *alaala*, *baybay*, *daldal*, *paruparo*, *singsing*, *musmos*, *tugtog*, *tuktok*, at iba pa. Mahahalata natin na hindi makapag-iisa ang pantig na inuulit.

Mga halimbawa ng ganap na pag-uulit

abug-abog (*noise or warning*)

agad-agad (*immediately*)

alun-alon (*wavy or waviness; curly*)

ama-amahan (*foster father*)

anak-anakan (*foster child*)

anting-anting (*amulet*)

anu-ano (*used in asking a question to which the answer is several different things; referring to different things*)

araw-araw (*every day*)

ari-arian (*properties or possessions*)

bahay-bahay (*from house to house*)

banal-banalan (*pretension of being pious or holy*)

basta-basta (*simply, merely*)

bilis-bilisan (*move or act faster*)

buhay-buhay (*living condition; livelihood in a certain place*)

bulung-bulungan (*rumor, gossip*)

buong-buo (*completely; entirely*)

buwan-buwan (*monthly, every month*)

dali-dali (*hurriedly*)

durug-durog (*crushed into tiny pieces; pulverized*)

gabi-gabi (*every night*)
 gutay-gutay (*torn into shreds or very tiny pieces*)
 hagdan-hagdan (*a series of rows or seats arranged behind and above each other; tiers*)
 halu-halo (*composed of different things or kinds; mixed up*)
 handang-handa (*very ready*)
 hangang-hanga (*very impressed or amazed*)
 hinay-hinay (*act, move, or speak in moderation; act slowly*)
 hinding-hindi (*definitely not*)
 iba-iba (*of different or several kinds or nature*)
 ibang-iba (*very different; changed completely*)
 ilug-ilugan (*rivulet, brook*)
 isa-isa (*one by one, individually*)
 iyung-iyo (*definitely yours*)
 kabit-kabit (*joined together, connected in series*)
 kalung-kalong (*carried wherever one goes or held on the lap*)
 kami-kami (*us alone; kami-kami lang: just us*)
 katakut-takot (*a great degree, amount, or number*)
 kita-kita (*to see or meet with one another in a certain place*)
 kitang-kita (*very obvious*)
 kulang-kulang (*half-witted, crazy*)
 kumpul-kumpol (*in bunches or small groups*)
 lakas-lakasan (*apply more strength; increase the volume*)
 lalung-lalo (*most especially, particularly*)
 libu-libo (*thousands upon thousands*)
 liku-liko (*winding, referring to a road*)
 linggu-linggo (*weekly, once a week*)
 litung-lito (*very confused*)
 luku-luko (*crazy*)
 malayu-layo (*quite far*)
 malayung-malayo (*very far*)
 mali-mali (*with or having many mistakes or errors*)
 maling-mali (*very wrong*)
 masayang-masaya (*very happy*)
 medyu-medyo (*somewhat crazy or demented*)
 mula't-mula (*from the very beginning*)
 muli't-muli (*again and again*)
 nanay-nanayan (*referring to a foster mother*)
 ngayun-ngayon (*just now; only a moment ago*)
 paminsan-minsan (*sometimes, once in a while*)
 pantay-pantay (*of the same dimension, degree, or level; equal number of things or persons*)
 paris-paris (*in pairs; pair by pair*)
 patay-patay (*sluggish; lazy*)
 patung-patong (*placed on top of one another; too much work to do*)
 paulit-ulit (*repeatedly*)
 pulang-pula (*very red*)
 pulu-pulo (*divided into small islands; not concentrated in one place*)
 punit-punit (*tattered; badly torn or ripped*)
 punung-puno (*completely filled*)
 puruk-purok (*divided into districts; by districts*)
 putul-putol (*divided into several parts or sections*)
 rolyu-rolyo (*in rolls*)
 sabay-sabay (*act or done in unison*)
 sabi-sabi (*rumor, gossip*)
 salit-salit (*alternately; at intervals*)

salu-salo (*eating together, as in a party*)
 sama-sama (*all together*)
 sapin-sapin (*in or having several layers*)
 sila-sila (*they themselves; themselves alone*)
 sintu-sinto (*mentally deranged*)
 sinu-sino (*used in asking a question to which the answer is two or more people*)
 sunud-sunod (*consecutive, in succession; one after another*)
 tamang-tama (*just right; exactly*)
 taun-taon (*annually; every year*)
 tayo-tayo (*just us*)
 tipun-tipon (*gathered together*)
 todo-todo (*exerting all of one's efforts; all, without exception*)
 tuluy-tuloy (*continuously, without stopping*)
 turu-turo (*the practice in which customers of local eateries point to the food they want to order in the display counter*)
 uli-uli (*next time; again*)
 ulit-ulitin (*keep repeating*)
 unang-una (*very first; firstly*)
 usap-usapan (*news circulating around; subject of conversation among people*)
 watak-watak (*scattered all over; widely separated; disunited*)
 yugtu-yugto (*divided in parts or acts, as in a play*)
 yuta-yuta (*numbering in the hundred thousands; countless*)

Mapapansin natin na lahat ng halimbawa sa itaas ay may gitling (-). Tandaan na may mga salitang inuulit na ngayon ay maaaring nang isulat na walang gitling. May mga salita rin na hindi na pinapalitan ang titik o ng *u* kapag inuulit. Halimbawa, ang mga salitang *haluhalo* at *halo-halo* ay tinatanggap bilang ibang anyo ng salitang *halu-halu*.

B. Di-ganap na pag-uulit

May mga salita na binubuo ng **di-ganap o parsyal na pag-uulit** na kung saan bahagi lamang ng salitang-ugat ang inuulit.

B.1 Pag-uulit ng unang pantig May mga salita na binubuo ng pag-uulit ng unang pantig tulad ng mga salita sa ibaba.

aahon (*will get out of water; will get out of a difficult situation like poverty*)
 aakyat (*will climb up; will go up*)
 aalis (*will go or will leave*)
 aatras (*will move backward*)
 aawit (*will sing*)
 babalik (*will come back*)
 babangga (*will hit or bump against something*)
 bibili (*will buy*)
 bibitiw (*will let go*)
 gagaling (*will become better*)
 gaganda (*will become beautiful*)
 gaganti (*will retaliate; will reciprocate*)
 gagamit (*will use*)
 gagawa (*will make; will do*)
 gigising (*will wake up*)
 hihingi (*will ask for*)
 hihinto (*will stop*)

iiwan (*will leave something or someone*)
 iiyak (*will cry*)
 kakain (*will eat*)
 kakanta (*will sing*)
 kikilos (*will act*)
 kukunin (*will get*)
 lalaban (*will fight*)
 lalabas (*will go out*)
 lalaki (*will grow; will become bigger*)
 lalaktaw (*will skip over*)
 lalayo (*will move away*)
 lilipas (*will pass*)
 papasok (*will go inside; will go to work or to school*)
 pipikit (*will close one's eyes*)
 pipinta (*will paint*)
 pupunta (*will go; will attend*)
 sasagip (*will save or rescue*)
 sasagot (*will answer*)
 sasali (*will join*)
 sasayaw (*will dance*)
 sisigaw (*will shout*)
 sisikat (*will rise; will become popular*)
 susulat (*will write*)
 susunod (*will follow*)
 susuntok (*will strike or punch*)
 tatagal (*will last*)
 tatakbo (*will run*)
 tatanggap (*will receive*)
 titigil (*will stop*)
 tutulong (*will help*)
 tutuloy (*will continue*)
 uulan (*will rain*)
 uunlad (*will progress or improve*)
 yayaman (*will become rich*)

B.2 Pag-uulit ng unang dalawang pantig May mga salitang binubuo ng pag-uulit ng unang dalawang pantig tulad ng mga salita sa ibaba.

bali-balita (*rumor*)
 dala-dalawa (*two at a time; two at the same time*)
 hiwa-hiwalay (*scattered; separated*)
 kabi-kabila (*on every side*)
 kala-kalahati (*in halves*)
 kani-kanina (*a while ago*)
 kapaki-pakinabang (*very beneficial or advantageous*)
 minu-minuto (*every minute*)
 pala-palagay (*opinions*)
 pira-piraso (*in pieces*)
 saka-sakali (*just in case*)
 sali-salitaan (*rumor; common talk of the people*)
 uma-umaga (*every morning*)
 ura-urada (*hastily*)

B.3 Pag-uulit ng unang dalawang pantig ngunit KP lang ang uulitin sa pangalawang pantig
Kung ang pangalawang pantig ng salitang-ugat ay may anyong KPK (katinig-patinig-katinig), ang KP lamang ang inuulit.

baligtad/baliktad → *bali-baligtad/bali-baliktad* (*all are turned upside-down*)

baluktot → *balu-baluktot* (*all are twisted or bent*)